



Durangoko Merinaldearen
Amankomunazgoa
Mancomunidad
de la Merindad de Durango

2026. urtean, Durangoko Merinaldearen Amankomunazgoko udalerrietan, euskara sustatzeko ekintzetarako diru-laguntzak norgehiagoka araubidean emateko deialdia.

1. Oinarri arautzaileak.

Bi mila eta hamaseiko ekainaren hogeita hiruko osoko bilkuran, udalbatzak erabaki zuen onartzea Durangoko Merinaldearen Amankomunazgoko udalerrietan euskara sustatzeko ekintzetarako diru-laguntzak emateko oinarri arautzaileak (Bizkaiko Aldizkari Ofizialaren 157/2016 alean argitaratu zen, abuztuaren 18an), eta, bi mila eta hamazazpiko ekainaren hamabosteko osoko bilkuran erabaki zen aldatzea, (Bizkaiko Aldizkari Ofizialaren 155/2017 alean argitaratu zen, abuztuaren 16an).

Hala oinarriak eta deialdia, nola eskabide-eredua eta gainerako eranskinak Amankomunazgoaren webgunean daude ikusgai: www.dma.eus

Horrez gain, informazioa, eskabide-eredua eta eranskinak Euskara Zerbitzuan daude eskuragai; hau da, Durangoko Elkartegian, 203 moduluan (Landako 4, Durango).

Jendaurreko zerbitzua astelehenetik ostiralera eskaintzen da, 9:00etatik 13:00etara.

2. Diru-laguntzen helburua eta xedea.

Diru-laguntzen helburua izango da, Durangoko Merinaldearen Amankomunazgoaren udalerrietan, euskara sustatzeko programak edo jarduerak finantzatzea.

Ekintzek edo programek honako baldintza hauek bete beharko dituzte:

a) Diruz lagundu daitezke Euskara Sustatzeko Ekintza Planaren barruan, indarrean dagoen Amankomunazgoaren Plan Estrategikoan, jasotzen diren esparruekin zuzenean loturiko programak edo ekimenak. Hain zuzen, honako esparru hauekin loturikoak:

- Familia bidezko transmisioa
- Arlo sozio-ekonomikoa
- Aisia eta kirola
- Kulturgintza
- Hedabideak
- Informazioaren eta komunikazioaren teknologiak
- Sentsibilizazioa eta motibazioa

b) Programak edo ekintzak deialdiari dagokion urte naturalean gauzatu beharko dira.

c) Programek edo ekimenek eskualdeko ikuspegia izango dute nahitaez.

d) Durangoko Merinaldearen Amankomunazgoaren Euskara Zerbitzua osatzen duten herriren batean garatu behar dira.

Hain justu, honako hauek dira eremu hori osatzen duten udalerririk: Abadiño, Atxondo, Berriz, Durango, Elorrio, Garai, Iurreta, Izurtza, Mañaria eta Zaldibar.

e) Proiektuaren edo jardueraren zabalkundea Amankomunazgoko herri guztietan egin beharko da.



Durangoko Merinaldearen
Amankomunazgoa
Mancomunidad
de la Merindad de Durango

3. Gehieneko zenbatekoa eta aurrekontu-kreditua.

Deialdiaren zenbatekoa, guztira, zortzi mila eurokoa da -8.000,00 €-, eta 3350.481.01 aurrekontu-sailari egotziko zaio; hau da, "Euskararen sustapena: Euskara sustatzeko ekintzak egiteko diru-laguntzak", 2026ko ekitaldirako.

4. Emakidaren erregimena.

Diru-laguntzak emateko prozedura norgehiagoka izango da; eskabideak elkarrekin alderatuko dira, eta, Diru-laguntzei buruzko azaroaren 17ko 38/2003 Lege Orokorrean adierazitako publizitate, lehia, gardentasun, objektibotasun, berdintasun, bereizkeria eza, eraginkortasun eta eragimen printzipioak bermatuko dira.

5. Diru-laguntzak eskatzeko baldintzak eta egiaztatzeak erak.

Deialdi honek eskainitako diru-laguntzen onura jaso ahal izango dute baldintza hauek betetzen dituzten entitateek edo irabazi-asmorik gabeko elkarteek:

a) Eusko Jaurlaritzaren Elkartearen Erregistro Ofizialean inskribatuta egotea.

b) Egoitza soziala Abadiñon, Atxondon, Berrizen, Durangon, Elorrian, Garain, Iurretan, Izurtzan, Mañarian edo Zaldibarren izatea, eta diruz lagundutako ekintzak herri horietan garatzea edo, egoitza soziala aipatutako herriren batean izan ez arren, Amankomunazgoko Euskara Zerbitzua osatzen duten herrietan garatzea diruz lagundutako ekintzak.

c) Diru-laguntzei buruzko 38/2003 Lege Orokorrearen 13. artikuluko eskakizunak betetzea.

d) Administrazio-zehapenik edo zehapen penalik ez jaso izana sexua dela-eta inor baztertzearatik edo, Emakumeen eta Gizonen arteko Berdintasunerako 4/2005 Legeak ezarritako diru-laguntzetan aurkezteko debekurik ez izatea.

e) Diruz lagundutako ekintza gauzatzea eta oinarri arautzaileen seigarren puntuan zehazten diren dokumentuak aurkeztea.

6. Diru-laguntzaren emakida izapidetu eta ebazteko eskumena duten organoak.

Kudeaketa-zerbitzuari dagokio prozedura izapidetzea.

Diru-laguntzak emateko onespina eta ebazpena egiteko organo eskuduna presidentea edo hark eskuordetutako organoa izango da, Herritarren Informazio Batzordeak proposatuta, eta zerbitzu teknikoak dagokion txostena egin ondoren.

7. Eskabideak aurkezteko epea.

Eskabideak aurkezteko epea 15 egun baliodunekoa izango da, deialdia Bizkaiko Aldizkari Ofizialean argitaratu eta biharamunetik hasita. Eskabideak presidenteari beharko zaizkio eta onuradunak edo, hala badagokio, legezko ordezkariak sinatu beharko ditu.



Durangoko Merinaldearen
Amankomunazgoa
Mancomunidad
de la Merindad de Durango

8. Eskabideak aurkezteko era.

Diru-laguntzen eskabideak eredu ofizialean arabera izango dira (I. eranskina), eta bide telematikoen bidez aurkeztu beharko dira egoitza elektronikoan:

<https://www.dma.eus/eu-ES/Izapideak/Orriak/procedimiento-detalle.aspx?id=1e564add-d1ac-e211-b9d8-00237d32158c>

edo Administrazio Publikoen Administrazio Prozedura Erkidearen urriaren 1eko 39/2015 Legearen 16. artikuluan adierazitako edozein bide erabiliz.

Eskabidearekin batera aurkeztu beharreko agiri eta informazioak

Diru-laguntza eskabidea guztiz beteta eta sinatuta egon beharko da, eta, horrekin batera, agiri osagarri hauek aurkeztu beharko dira:

1. Erakunde edo elkartearen estatutuen kopia konpultsatua.
2. Eusko Jaurlaritzaren Elkartearen Erregistroan inskribatuta dagoela egiaztatzen duen ziurtagiria: jatorrizkoa edo kopia konpultsatua.
3. Elkartearen Identifikazio Fiskaleko Kodearen kopia konpultsatua.
4. Erakundearen legezko ordezkariaren nortasun-agiri nazionalaren kopia konpultsatua.
5. Behar bezala eta dagokion erregistro ofizialean inskribatutako organo eta ordezkariaren izendapenaren akordioaren ziurtagiria.
6. Zerga-betebeharrak eta Gizarte Segurantzarekikoak egunean dituela dioten ziurtagiriak.
7. Erakundearen legezko ordezkariaren erantzukizunpeko aitortpena, erakundea diru-laguntzak eskuratzetik ezigaituta ez dagoela esanez. (II. Eranskina)
8. Erantzukizunpeko aitortpena, diru-laguntzara aurkeztu den proiekturako beste erakunde publiko edo pribatu batzuei eskatutakoa edo haiengandik jasotakoa adieraziz. (III. Eranskina)
9. Jardueraren diru-sarrera eta gastuen aurrekontu xehatua. (IV. Eranskina)
10. Diru-laguntza eskatzeko azaldu den jarduera zehatza edo jarduera-programa, kostu ekonomikoa, partaideen kopurua –hartzaileen adina, sexua eta zein herritakoa den-, eragin-eremua (udalerririk) eta jarduerak noiz egingo diren zehaztuta.
- Nahitaez, zehatz agerrarazi beharko da programa edo jarduerak hasteko edo amaitzeko aurreikusi den eguna.
11. Alegatutako merezimenduei buruzko egiaztagirak.
12. Elkartearen titulartasuneko kontua, banku-erakundeak behar bezala ziurtatuta. (V. Eranskina).



Durangoko Merinaldearen
Amankomunazgoa
Mancomunidad
de la Merindad de Durango

9. Eskaerak baloratzeko irizpideak.

Hurrengo balorazio-irizpideak oinarri hartuta esleitu dira diru-laguntzak:

- Ekintzaren kalitatea eta euskararen erabileran izan dezakeen eragina: gehienez ere, 40 puntu.
- Eragin-eremua (hartzaileen kopurua eta zer herritakoak diren): gehienez ere, 15 puntu.
- Egoitza soziala Abadiñon, Atxondon, Berrizen, Durangon, Elorrion, Garain, Iurretan, Izurtzan, Mañarian edo Zaldibarren izatea: gehienez ere, 10 puntu.
- Beren-beregi, haur eta gazteentzako egitasmoak izatea: gehienez ere, 10 puntu.
- Jardueraren iraupena eta jarraikortasuna: gehienez ere, 15 puntu.
- Gizarte-inklusioa sustatzea: gehienez ere, 5 puntu.
- Genero-ikuspegia txertatzea proiektuaren diseinuan, garapenean eta ebaluazioan: gehienez ere, 5 puntu.

Diru-laguntza jaso ahal izateko, erakunde eskatzaileak 50 puntu lortu behar ditu gutxienez.

10. Diru-laguntzen zenbatekoa.

Diru-laguntzaren zenbatekoa zehazteko, honako prozedura honi jarraituko zaio:

- Diru-laguntza eskabideak balorazio irizpide objektiboen arabera baloratuko dira, eta diru-laguntza eskaerei esleitutako puntu guztiak batuko dira.
- Kredituaren zenbatekoa eskaerei esleitutako puntu guztien artean banatuko da, puntu bakoitzaren balio ekonomikoa lortzeko.
- Diru-laguntzaren zenbatekoa puntu kopuru osoaren eta puntu bakoitzari esleitutako balio ekonomikoaren arteko biderketaren emaitza izango da.

Diru-laguntzaren zenbatekoa, baliabide kualitatibo eta kuantitatiboak aintzat hartuta, ekintza garatzeko diru-laguntzeko moduko aurrekontuaren % 80 izango da, gehienez ere.

Edozein modutan ere, gehienez sei mila –6.000 euro– jaso ahal izango ditu entitate edo elkarte bakoitzak.

Diru-laguntzaren zenbatekoak, berak bakarrik zein beste administrazio publiko zein erakunde publiko edo pribatu batzuen diru-laguntza edo laguntzekin batera, ezin izango du, inola ere, erakunde onuradunak egingo duen jardueraren kostu osoa gainditu. Diru-sarrera eta gastuen justifikazioa aztertutakoan gehiegizko finantziarioa egon dela ikusi bada, gehiegizko diru-sarreraren zenbatekoa kenduko zaio diru-laguntzari.

11. Ebazteko eta jakinarazteko epea.

Ebazpena egin eta jakinarazteko epea, gehienez, sei hilekoa izango da, deialdia argitaratu eta biharamunetik hasita.



Durangoko Merinaldearen
Amankomunazgoa
Mancomunidad
de la Merindad de Durango

Epe hori amaitu eta ebazpena jakinarazi ez bada, interesdunek diru-laguntza emateko eskabidea administrazioaren isiltasunaren bitartez ezetsitzat jo ahal izango dute.

12. Jakinarazteko bideak.

Administrazio Publikoen Administrazio Prozedura Erkideari buruzko urriaren 1eko 39/2015 Legearen 40. artikuluan ezarritakoa oinarri hartuta jakinaraziko zaie interesdunei emakidaren ebazpena. Jakinarazpen edo argitalpen hori gauzatzeko aipatutako Legearen 43. artikuluan agertzen diren xedapenak bete beharko dira.

13. Errekurtsoak.

Administrazio bideari amaiera ematen dion ebazpenaren aurka, interesdunek aukerako berraztertze errekurtsoa aurkeztu ahal izango diote presidenteari, hilabeteko epean, ebazpena egiten den egunetik aurrera zenbatzen hasita; edo, zuzenean, administrazioarekiko auzi-errekurtsoa jarri ahal izango dute administrazioarekiko auzien Bilboko epaitegian, bi hilabeteko epean. Dena dela, interesdunek egoki iritzitako beste edozein errekurtso aurkez dezakete.

Presidentea, Idoia Otaduy Uriarte Andrea.